

LXXXXX

صافی: ۷

مارت ۱۳۳۳ - ۱۹۱۷

شماره: ۲

دارالفنون

حقوق، سیاست، اقتصادیات

حقوق، سیاست، اقتصادیات

ایکی آبدہ برنر اولنور

مندرجات:

قسم حقوقی:

موجرہ مستأجرک اموالی اوزرنده بخش ایدیلن حق رجحان [مصطفی رشید]

قسم اقتصادی:

موازنه تجارت و موازنه حسابات [فرہ درخ هوفان]
آلانیاده رسوم و تکالیف [آنتون فلهق]

آلمان ایمپراطور اغندہ حقوق امتحانلری [والتر شونبورن]

استانبول - مطبعہ عامرہ

۱۳۳۲ - ۱۳۳۴

آلمان ایپراطورلرنده حقوق امتحانلرینک صورت اجرایی

آلمانلارده حقوق امتحانلرینک صورت تنظیم و تعیین قسماً ایپراطورلق و قسماً ده حکومت متحده قوانینی ایله تحت قراره آلمشدر . ایپراطورلق قانونی بعضی نقاط اساسیه بی بوتون آلمانیا ایچون یکدنق بر صورتده تعیین ایتمش و نقاط فرعیه بی ، ایپراطورلق قانون عمومیهی دایره سنده، تعیین ایچون حکومت متحده بی سر بست بر اقمشدر .

بز بورایه امتحانلره عائد قوانین و نظامات کثیره نك انجق اك مهم ، اك مراق آور احكام و اساساتی انظار دفته وضع ایله اکتفایه مجبورز .

بالجمله آلمان حکومت متحده سنده ایوم مرعی اولان امتحان اصوللرینک اساسی تشکیلات محاکم قانوننك ایکنجی ماده سنده تصریح و بیان ایدلمشدر که بونك ایلک اوج فقره سی بروجه آتیدر :

« حاکمک وظیفه سی ایچون مقتضی اهلیت و صلاحیت ، ایکی نوع امتحان و بردکدن صوکره اکتساب اولنور . برنجی امتحانه طالب اولان کسه نك لاقل اوج سنه بردارالفنونده حقوق تحصیل ایتمش اولسی لازم کلیر . نامزد بواوج سنه نك هیچ اولمزه نصفی مدتیجه بر آلمان دارالفنونه دوام ایتمش اولمیدر . برنجی ایله ایکنجی امتحان آره سنده اوج سنه نك بر فاصله بولونمق لازمدر . نامزد ، بومدت ظرفنده یا محاکم و یا وکلای دعاوی نزدنده ایقای خدمت ایده جکدر . مع مافیه خدمت مذکور نك بر قسمی مدعی عمومیلک دواثرنده دخی ایفا اولنه بیلیر . »

حکومت متحده دن هر بری حقوق تحصیلنی و یا ایکی امتحان آراسنده تطبیقات ایچون معین اولان مدتی قلیل ایده مزلسه ده تمدید ایده بیلورلر . کذلک فقره مذکوریه نظر آ حکومت متحده تطبیقاتک هیچ اولمازسه بر سنه نك مختلف شعبات اداره نزدنده یا بیله بیله جکفی یا خود بهمه حال یا بیله جفی تحت قراره آلمق صلاحیتنی حائزدرلر . آلمان حکومت متحده سنك اك مهملری ، بالاده کی شقردن برینی یا خود دیکرینه ، ترجیح ایتمشدرلر ؛ تعمیر دیکرله بعضیلری بو خدمت احضاریه بی مجبوری قلمش اولدقلری حالده دیکرلری ایسه بونی نامزدلرک اختیار و آرزوسنه وابسته بر اقمشدرلر . بوکا مقابل خدمات

عالیه اداره ایچون مقتضی اهلیت و لیاقتک طرز اکتسابی ایله بوکا متعلق شرائط، بوتون آلمانیا حکومتات متحده سنه عام و شامل بر قانونله تعیین و تقریر ایدلمه مشدر .
بویه ایکن اک مهم آلمان حکومتاتی بالاده کی شرائطی، حاکمک صفتی احراز ایچون

مقتضی شرائطه یک مشابه بر صورتده تعیین ایلشلدرد .
کوک دارالفنون تحصیل، کک ایلک امتحانک صورت جریانی یکنسق بر طرزده تنظیم ایدلمشدر . فامزدک بالاخره حاکمک مسلکته می یوقسه مسالک عالیله اداره به می سلوک ایده جکی قطعه می بوخصوصده قطعاً نظراعتباره التمامشدر . بوشقکک ایکیسنده ده خدمت احضاریه عملیه عینی مدت سورر . انجق حکومتات متحده دن بعضیلری از جمله پروسیاده خدمت احضاریه نیک ایفا اولونه جفی دوائر و مقامات بالاده کی ایکی شقه کوره باشقه باشقه در .
حاکمک وظائفی ایفایه اهل و صلاحیتدار اولان اشخاص دعوی وکالتنده بولونه بیلیر .

بالاده کی امتحانلردن انجق برنجیسی، دوغریدن دوغری به دارالفنونه متعلق اهمیتی حائزدر . دارالفنونلر شاگردانی بوایلک امتحان ایچون یتشدیرمکه مجبوردرلر بوا امتحان ایله دارالفنون تحصیله خاتمه چکیلیر . مع مافیه دارالفنون تحصیلی تعقیب ایدن خدمت احضاریه عملیه ، شاگردانک فعالیت مستقبله رسمیه لرینه عائد تفرعات قیه نی مومی الیه مه واضح و قطعی صورتده تلقین و تعلیم ایله مکلف اولمیان دارالفنونلر ایچون دخی حائر اهمیتدر .

برنجی امتحانک اصول اجرایی تعیینده حکومتات متحده سربست بر اقلمشدر . حکومتات مذکوره آراسنده بوخصوصده واقعا بعض اختلافات افکار ظهور ایتمش ایدمه کک پروسیاده کک جنوبی آلمانیا حکومتک باشلیجه لرنده مرعی قوانین و نظاماتک قسماً تألیفی صورتیه اختلافات مذکوره برزماندن بری همان ازاله ایدلمش کبیدر .

آلمان امپراطورلق قانونی « حقوق دو قنوری » عنوانک صورت اعطا و احرازینه دائر بوتون حکومتات متحده به شامل قابل تطبیق احکام عمومیه بی احتوا ایتمه یور . بوکا مقابل بو عنوانی بفرحق طاقیانلر حقنده قانوناً بعض مجازات ترتیب ایدلمشدر . دو قنور عنوانی اعطا ایتک حق دارالفنونلره عائددر . مأمورین ملکیه و یا عدلیه و یا دعوی وکالتی اجرایی ایچون قانوناً « دو قنور » عنوانی حائر اولق شرط دکلدرد . بو عنوانه

ناثلیت کرک حکام ، کرک مأمورین عالیہ اداریه ، کرک وکلای دعاوی ایچون واقعا برشرف ایسه ده اولره مسلکداشلینه قارشی هیچ برحق تفوق ورجحان بخش ایتمز .

دوقتورلق انجق دارالفنونہ معلم اولق ایچون شرطدره . بو عنوانی حائز اولمایان کسه آلمان دارالفنونلرندن برینه پروفیسور آغره زده (Privat Dozent) اوله رق تعیین اولنه من . بو پرویات دوچونت عنواتی احرازایده جک نامزدلرک یالکز دوقتوراولملری کافی اولمه یوب بشقه شرائطی حائز بولونملری بالخاصه بالذات تألیفکرده لری اولان براترفی وعلمی بی ابرازایده بیلملری شرطدر .

رسماً تعیین اولنه جق وجانب حکومتدن معاش آله جق دارالفنون مدرسلری ، اکثریت اوزره پرویات دوچنتلر آراسندن انتخاب اولنور . حکومات متحده دن بری آلمان دارالفنونلرندن برنده پرویات دوچنت وظیفه سنی ایفا ایتماش اولان برحقوق شناسی استثناء تعیین ایدر وبالفرض بووظیفه یی بر آوستریا عالنه تودیع ایلر ایسه مطلقا یا برآلمان دارالفنونندن ویا آلمان دارالفنونلری ایله سیان عد ایدیلن عالی برفا کولته دن دوقتورعنواتی اخذ ایتمش اولان برعالی انتخاب ایدر .

آلمان تشکیلات محاکم قانوننک دردنجی ماده سی ، آلمان دارالفنونلرنده تدریساتله مشغول اولان معلملرک حاکم تعیین اولونه بیلملرینه رسماً مساعده ایتمکده در . بنابرین آلمان دارالفنونلرنده کی معلملر حتی بروایکنجی امتحانی ویرمش اولماسلر دخی اهلیت قضایی بی حائز عد واعتبار اولنورلر .

آلمان اصول محاکمات جزائییه قانوننک یوز اوز سکزنجی ماده سی ، بالعموم حکومات متحده دارالفنونلرینه منسوب حقوق معلملرینه محاکم جزائییه ده متهمی مدافعه صلاحیتی ویرمشدر . بوراده حقوق معلملری آره سنده قطعاً هیچ ابرفرق کوزه دیله مامشدر . تعبیر دیگرله بومعلملر ، معلمین اصلیه ، معاش آلمایان معلم وکیللری ، پرویات دوچنت عنوانلرینی حائز اوله بیلیلرلر . حتی دوقتورلق عنواتی احراز ایچون ویرمسی لازم کلن امتحاندن غیری برامتحان ویرماش اولسه لریبله . بناءً علیه دوقتور عنوانیله پایه سی حکومت نظرنده بو یوک براهیت عملیه یی اکتساب ایدر وبالتبیجه دوقتور عنوانی قوری بر فخری آقاده میک عنوانک دها پک فوقنده در . بالخصوص دارالفنون معلملرک کسه انتساب ایدنلرک دوقتور پایه سنی حائز اولملری حکومتجه مطلوب و ملترم اولدیفندن

دوقتورا امتحانی صرہ سندہ نامزدلردن دماغی و فنی برایش ایچون مقتضی استعداد و لیاقت مالکیت خصوصی طلب و انتظار اولتور .
تشکیلات عدلیہ قانونتک ایکنجی مادہ سندہ ذکر و بیان اولنان درجہ عالیہ امتحانلرینہ اشو لایحہدہ برنجی و ایکنجی درجہ عالیہ امتحانلری نامی ویرلشدر . بو امتحانلر دارالفنونلر دہ اجرایی معناد اولان دوقتورا امتحانلرینہ قارشی برامتحان مقابل مایہتندہ در .

۲ (۰)

ایلك حقوق امتحانہ كلنجہ اشو لایحہدہ اتحقق بو امتحانہ متعلق اولوب آلمانیا حكومات متحده سلك معظمی بولونان پروسیا قوانیندہ مندرج احكامی تلخیص ایله اكتفایہ مجبورز . بو امتحانك اجرایی ایله تعقیب اولونان مقصد پروسیا قانونندہ شو صورتله ایضاح اولونمشدر .

۱ امتحانہ زمین اولان مواد اولاً حقوق عمومیہ و حقوق خصوصیہ موضوعات، ثانیاً تاریخ حقوق، ثالثاً علوم سیاسیہ Sciences d'etat اساسندن عبارتدر . پروسیا قانوننجہ بو امتحانك پروگرامہ حقوق اساسیہ بی، حقوق ادارہ بی علم اقتصاد ایله اقتصاد اجتماعی بی Léconomie sociale et l'économie politique ادخال ایتك لازمدر .

شورایی بالخاصہ شایان دقتدرکہ بر زماندن بری پروسیادہ کرک امتحانلرک طرز ادامہ واجرا نہ، کرک حقوق اساسیہ و کرک حقوق ادارہ یہ کیت کیدہ دہا بویوک بر اہمیت ویرلمکدہ در .

امتحان اثناسندہ نامزددہ معلومات مثبتہ موجود اولوب اولمدینی، مسائل حقوقیہ نك مایہتتی وانکشاف تاریخچینی درك وفہم ایدوب ایتدیکی نقطہلری دخی تعمیق وتحقیق اولونہ جقدر . بوندن ماعدا امتحان اثناسندہ نامزدك مسلك مستقبل ایچون محتاج اولدینی معلومات عملیہ حقوقیہ واجتماعیہ مالک اولوب اولمدینی خصوصی دخی تحقیق واثبات ایدیلہ جقدر .

بوکا مقابل دہا زیادہ عملی برماہیتی حائز اولسی لازم کلن ایکنجی امتحان نامزدك

(*) بالکتر عمومی برنجی امتحان ایله دوقتورا امتحانك دارالفنونلر ایچون طوغریدن طوغری بہ اہمیتی بولندینندن زبردہ کی تفصیلات بالکتر بو ایکی جہتہ حصر ایدلشددر .

على العموم آلمانیاده وعلى الخصوص پروسیاده حقوق عمومیه وخصوصیه تام بر وقوف حاصل ایدوب ایتدیکی وکندیسنک خدمات عملیه عدلیهده مستقل بر مأموریت صاحی اوله بیلیمک ایچون مجهر اولسی اقتضایدن اقتدار و لیاقتی حائز اولوب اولمدینی خصوصلری میدانه چیقارمغه خادم اوله جقدر .

برنجی امتحان بالجمله نامزدلر ایچون عینیدره . بوامتحانده نامزدک بالاخره خدمات عالیه عدلیهده یی یوقسه خدمات عالیه اداریهده می داخل اولق آرزوسنده بولوندینی نقطهسی نظر اعتباره آلماز . برنجی امتحانده موفق اولان نامزدلره « ره فهراندهر Référéndaire عنوانی ویریلیر . وکندیلری تحلیف ایدیلیر .

برنجی امتحانه عائد باشلیجه احکام و مقررات آئیده کیلدر :

(آ) برنجی امتحانی اجراییه مأمور و اوچ سنهدمت ایچون دائمی بر قومیسون تشکیل ایدیلیر . بو قومیسون اعضاسی حاکم ، دارالفنون معلملری ، مدعی عمومیلر و دعوی وکیللری آراسندن انتخاب اولنور . لکن رئیس و رئیس ثانی ، هر حالده حکام میانندن انتخاب اولنور . امتحان ، رئیس داخل اولق اوزره قومیسونک دوت اعضاسی حضورنده وقوع بولور . بودر اعضادن ایکیمی ، همه حال دارالفنون معلملری اوله جقدر .

ب (برنجی امتحان آئیده کی اوچ قسمه تفریق اولنور .

اولا — نامزد اول امرده خانه سنده بر مسئله حقوقیه دایر مهم بر « تهزه قلمه آله جقدر . تهزه موضوعی قومیسون رئیس طرفندن انتخاب ایدیلیر . نامزد بو تهزی الی هفته ظرفنده تسلیم ایدمک و بونی بالذات قلمه آدیغه و ذکر واره ایتدیکی آثاردن باشقه آثار حقوقیه مراجعت ایتدیکنه دایر تأملات لازمهده بولونه جقدر .

ثانیاً — بونی متعاقب نظارت تحتدره نامزد اوچ قومپوزیسون قلمه آله جقدر . برنجیسی : حقوق مدنییه ایکنجیسی : حقوق جزائییه ، اوچنجیسی : مثلاً تجارت قاتونی ، حقوق اداره و حقوق عمومیه کی موضوعات حقوقیه عائد مسائلدن باحث اوله جقدر . بو قومپوزیسونلری یاپه بیلیمک ایچون برنجیسنه بش ، ایکنجیسی ایله اوچنجیسنه اوچ ساعت مهلت ویریلیر . بو اوچ قومپوزیسون هفتهک ، بربری تعقیب ایدن ایکی کونی ظرفنده یاپیله جقدر . قومیسون رئیس ، اعضانک تکلیفی اوزرینه قومپوزیسونلره اساس وزمین اوله جق مسائل حقوقیه یی تعیین ایدره عینی امتحانه برقاچ نامزدک اشتراکی جائزدر . بو تقدیرده

اولنر عینی مسائلی تحلیل و توسیع ایله مکلف اولورلر . قانونک متنی نامزدلرک پیش نظرینه وضع اولنور. اولنرک دیگر هر هانکی بر منبعدن استفاده ایتلمری ممنوعدر .

ثالثاً — امتحان تحریری ختام بولور بولماز قومیسسیون حضورنده شفاهی بر امتحان اجرا اولنور. اکثریای علنی اولیان امتحان شفاهی به بشدن فضله نامزد دعوت اولونه ماز. مع مافیہ رئیس، امتحانه ذاتاً قبول ایدلمش اولان دیگر بعض نامزدلر بالاده کی امتحانه اشتراک ایچون مأذونیت ویریهیلیر . مسائل ممکن مرتبه مختلف و متنوع اوله حق موضوع. عانه تعلق و تماس ایده جکدر. حقوق اساسیه حقنده مفصل سؤالار صور مق مجبوریدر. امتحان علی العموم حقوق ادارهیه، حقوق دوله، علم اقتصاداساساته و علوم مالیه به دخی شامل اوله جکدر . نامزد، عینی کون بالجمله مواددن امتحان اولنور. هر نامزدک مدت امتحانی تقریباً بر ساعتدر .

ج (نامزد اوده یا یمنه مجبور اولدینی تهزی تسلیم ایتمزسه کندیسنه یا در حال و یا رئیسک تنبیه ایله حین حاجنده آلتی آیه تمديد اولته بیلن بر فاصله دن صکره بر باشقه موضوع *thème* ویریلیر . تعیین اولنان مهلت ظرفنده بونی یا یمنزه امتحان هیچ وقوع بولماش عد اولنور. نامزد کندیسنه ویریلن بومهلث ظرفنده قومپوزیسونی یا یمنزه رئیسک تفسییه آلتی آیه قدر تمديد اولته بیلن بر فاصله دن صکره تکرار امتحانه دعوت ایدیلیر. نامزد بلا عذر مشروع بالاده کی مهلتلر ظرفنده وظیفه سی یا یمنزه ارتق امتحانده موفق اولماش عد اولنور .

امتحانده موفق اولمایان نامزدلر، کندی طلبلری اوزرینه بردفعیه مخصوص اولق اوزره نهایت آلتی آی صکره تکرار امتحانه قبول اولونه بیلیرلر . بوده آنجق دارالقنو. نلردن برنده آلتی آی مدته حقوق تحصیلنه دوام ایتدیکی تقدیرده ممکن اوله بیلیر . بوحقوق تحصیلک دها آلتی آی لزوم دوامی قومیسسیون طرفدن قرار ویریه بیلیر . قومیسسیون، تکرار نامزد طرفدن تحصیل وتبع ایدلملری لازم کلان مسائل وموضوعاتی دخی تعیین ایتک صلاحیتی حائزدر. دیگر طرفدن امتحانک تکرری حالنده قومیسسیون نامزدی امتحانک اوچ قسم اصایسندن برینه ویا ایکیسنه اشتراک ایتک مجبوریتندن وارسته قیله بیلیر .

د) تحریری ویا شفاهی امتحانلرک نتیجه عملیه سینه کوره نامزدک موفق اولوب

اولدیفنه حکم ایدیلیر . موفق اولمش ایسه نتیجه‌نک علی‌الاعلیٰ، علیٰ، قریب‌اعلیٰ اولوب اولدیفنی نقطه‌سی حل ایدیلیر. بناءً علیه موفقیت ایچون اوچ درجه واردر، حالبوکه عدم موفقیت ایچون یالکزر بر درجه واردر .

امتحان نتایجی مبین مضبوطه‌لرده نامزدلرک تحریراً یابدقلمری قومپوزیسیونلرک درجه قیمت واهمیتی ذکر و بیان اولونه‌جقدر. امتحانک نتیجه عملیه‌سی بر شهادتنامه‌یه قید و تحریر اولنور .

هـ) انضای امتحانده میزلی آلداتمنه چالیشان برنامزد جرمنک درجه‌سنه کوره یا آلتی‌آی، یا برسنه، یاخود مؤبداً امتحاندن محروم طوتیلور .

و) دیگر مهم بر شرط دها واردرکه اوده نامزدلرک دولت امتحاننه قبول اولونمق ایچون ویردیکی استدعایه هیچ اولنزه درت عملی درسه دوام ایتدیکنی مبین بر تصدیقنا. مهنک لزوم علاوه‌سی‌در. کندیس یو درسلمری هنوز دارالفنونه دوام ایتدیکی مدت ظرفنده اکیال ایتنک مجبوریتنده‌در. محاکم عدلیه قانونجه مطلوب و ملتزم اولدیفنی وجهله از جمله لا اقل اوچ سنه حقوق تحصیل ایتدیکنی اثباته مجبوردر .

بو عملی درسلمره عائد موادک امتحانی خصوصنده پروسیاده نامزدلر غایت سراسر بر اقیلیر. آلمانیاک دیگر حکومت متحده‌سنده نامزدلر حقوق مدنیه ایله اصول محاکمات حقوقیه‌یه عائد درسلمری همه‌حال تعقیب ایتنکه مجبوردرلر. حالبوکه اوراده انجق بر ویا ایکی شعبه‌نی انتخاب ایده‌بیلیرلر. پروسیاده نامزدلرک حقوق مدنیه‌یه عائد درسلمری تعقیب اولونه‌جق درسلدن بری اولمق اوزره انتخاب ایتدکلری تجربه ثابت اولمشدر .

ز) یوقاریده ذکر اولونان احکام ومقرراتدن شو حقیقت نظام ایدیورکه اساس اعتباریله درجه اولی امتحانی، نامزدلرک دارالفنونه مدت دواملرنجه تتبع وتحصیل ایتنکه مجبور اولدیفنی بالجمله مواد ومباحثه شاملدر .

آلمانیاک حکومت صغیره‌سنده اجرا اولونان امتحانلره متعلق احکام و نظامات پروسیاده مرعی احکام ونظاماتدن آزچوق فرقلیدر . بالفرض پروسیاده نامزدلرک طرفندن اوده یاپلمسی اقتضا ایدن قومپوزیسیون اکثر حکومت صغیره‌ده مجبوری دکلدرد. بوکامقابل نظارت التنده یازیلان یازیلر حکومت صغیره‌نک اکثریتنده پروسیاده اولدیفندن فضلده‌در .

باد غمران دوقه لغنده امتحانلر حقنده موضوع نظامنامه یه توفیقاً نامزددن اون آلتی مواده آیرلش قرق اوج تحریری قومپوزیسیون طلب اولنور . بوقومپوزیسیونلردن هربری ایچون بر ساعتک مهل ویریلیر .

— ۳ —

دوقتورا امتحانلری تنظیم ایتک وظیفه سی ایسه دارالفنونلره ترک اولونمشدر . بونک ایچوندرکه عین حکومت داخلنده بولونان دارالفنونلر آره سنده بوخصوصده بعض فرقلر مشاهده اولنور . بویله ایکن دوقتورا امتحاننه عائد مقررات و نظامات آره سنده کی فرقلر ایلاک درجه اولی امتحاننه عائد نظامات و مقررات آره سنده کی فرقلردن بویوک دکلدیر .

دوقتورا امتحاننه داخل اولمق ایسته یین نامزدک حائز اولمسی مقتضی باشلوجه شرط لائل اوج سهلاک بر دارالفنون تحصیلدر . بویک مقابل نامزدک دوقتورا امتحانندن اول برنجی وایکنجی درجه اولی حقوقی امتحانی ویرمسی شرط دکلدیر . دوقتورا امتحانندن مقصد اصلی نامزده کی معلومات فیه نک درجه سی آ کلامقدر .

نامزدک احوالده آئیده کی شیلره مقتدر اولمسی شرطدر .

۱ — نامزدک بالذات انتخاب ایتدیکی بر موضوعه عائد بر ته زک تحریر و ابرازی .

۲ — فاکولته حضورنده شفاهی بر امتحان ویرمسی

نامزد برایکی ساعت ظرفنده الک مختلف مواد و موضوعانندن امتحان اولنور . اکثر احوالده ته زه دهها زیاده اهمیت ویریلیر . بونک بر قیمت فیه یی حائز اولمسی و محرری اولان نامزدک فنا و مستقلاً دوشونمکه مقتدر اولدیغنه دلیل بولنمسی مطلوبدر .

شوراسی شایان قیددرکه نامزده بالذات ته زه زمین اوله جق موضوعی انتخاب حتی ویرن نظامنامه اوراده حرفیاً تطبیق اولونماز نامزدلر چوق کره معلم طرفندن کندیلمیرنه بر موضوع تکلیف ایتدیدرلر . لکن بوموضوعی قبوله مجبور دکلدیرلر .

شفاهی ویا تحریری امتحان — تعبیر دیگرله ته ز ویرمک دیمکدر — نامزدک عدم موفقیتی حالنده عینی دارالفنونده بردها تکرار اولونه بیلیر . بر ته زک قابل تصحیح اوله — بیله جکی فرضیه سی دخی صورت عملیه ده درپیش و قبول ایدلمشدر . بویله بر ته ز تصحیح اولنمق اوزره نامزده اعاده اولنبدنی تقدیرده رد اولونمش عد اولونماز ته زلر طبع اولونمیلیر .

دوقئورا امتحانی ایچون علی الاکثر نامزددن اولدجه آغیر بر رسم تحصیل اولئور. تقریباً اون بش ایله یکرمی لیرا آره سنده اولان بو رسم فاکولته اعضاسی آره سنده تقسیم اولئور. بو تقسیم صره سنده امتحانه اشتراک ایتیش اولانلر بالخاصه نظر اعتباره آلیئر. برنجی درجه اولی امتحانه موضوع رسوم، دوقئورا رسومندن یک دون اولوب انجق ایکی اوچ لیرا آره سنده در .

— ۴ —

هرهاکی بردارالفنون تحصیلک ختامنده اجرایی لایه اولان بالاده کی ایکی امتحانندن ماعدا دیگر بر حقوق امتحانی یوقدر . نه آلتی آیلق ونه ده بر سته ک تحصیلک ختامنده امتحان وقوع بولماز . بر جوق دارالفنونلر خصوصی درس لر ایچون ویرلسی اصول وقاعده دن اولان رسومندن معافیتی استدعا ایتیش بولونان نامزدلرک بویه بر لطفه لایق اولوب اولملرینک تحقیقی ایچ ن بوکیلرینی خصوصی بر امتحانه تابع طومغه صلاحیتداردرلر . بایره راده حکومت خدمتده داخل اولق املنده بولونان نامزدلر درجه اولی امتحانندن اول متوسط بر امتحان ویرمک مجبوریتده درلرک بونک انجق دوت سته ک بردارالفنون تحصیلندن سوکره وقوعه جواز واردر . شفاهی اولان بومتوسط امتحان تاریخ حقوقه ، روما قانوننه ، آلمان قانون قدیمه عائددر . بوامتحانه داخل اولق ایچون اولجه برنجق سته ک دارالفنون تحصیلنی کورمش اولق لازمدر . بایره را حکومتک بوامتحان ایله حاصل ایتدیکی تجارب ، سائر آلمانیا حکومتلرینی بواصولی قبوله سوق واقناع ایده جک برماهیتده دکلدر . حتی بایره راده بیه بومتوسط امتحانک قیمت و ماهیتی حقنده اجتهدلر مختلفدر .

آلمانیاده موجود نظامات حقوق شا کرداتی ، دارالفنون تحصیلنی بر قاج قسمه آیرمه مجبور قیلمه یور . واقعا شا کردانه تحصیلک تقسیم عملیسی حقنده رسماً نصایحه بولنلور . بونصایح اکثریا بدایت تحصیلده بر رساله تودیبی صورتنده اجرا اولئورکه بونک عنوانی : « تحصیلک طرز تنظیم و تقسیمی » در .

بعض آلمان حکومتلرنجه مرعی نظامات اقتضاسنجه شا کردان ، انجق اولجه تعیین ایدیش اولان بعض درس لره دوام ایتیش اولدقون سوکره اصل درس لره دوام حققی اکتساب ایدر . بالفرض جوق کره اصول محاکمات جزائییه درس لرینک حقوق جزا

درس‌لرندن صوکره کلمسی و حقوق مدنییه عائد بعض مسائلک عینی حقوقک بعض اقسامندن صوکره تحصیل و تتبع اولونمسی ایسته نیلیور . حقوقه عائد احضاری درس‌لره ایلك آلتی آیلق تحصیل صومهنده دوام اولونمق شرطدر . مع مافییه دیگر برچوق درس‌لره کلتجه بودرس‌لره هانکی سومه سترلده دوام آرزوسنده اولدقلرینی تحت قراره الملق خصوصنده شاگردلر یا تمایله ویا پک واسع مقیاسده سربست و مختار بولنیورلر .

شاگردانک برقاج سنه مدته براز ده صیقی قیود و تحدیداته تابع طوندقلری پروسیاده ، ۱۹۱۲ده ، دارالفنون تحصیلی حقنده بعض نظامات جدیده وضع ایدلمشدر . بونظاماته توفیقاً شاگردان ، بالذات کندی تحصیللرینک طرز اجرا و جریاتی تعیین ایتمک و کندی اجتهاد و محاکمه لرینه کوره درس‌لری مختلف سومه سترلره آیرمق حقنی حائزدرلر . شوقدرکه بوتقدیرده اونلر ، دروس مذکوره آره سنده کی علائق و مناسباتی نظر دفته آلفه مجبوردرلر . کرچه بونظامنامه ، معلمینی ، دروسک طرز تنظیم و تقسیمی خصوصنده شاگردانه نصایح و ارشاداتده بولونمق صلاحیتندن محروم قیلماز . مع مافییه پروسیا حکومتی تقسیم و تنظیم دروس خصوصنده شاگردانک صورت مطلقده سربست و مختار اولملری قاعده سنه تکرار عودت ایتشدر . مستغنی بیاندرکه بوقاعده ، شاگردانی صنوف مختلفهیه قریق ایتمک خصوصنه قطعاً جواز ویرمن . لکن بوکا مقابل دارالفنون معلم‌لری ، شاگردانک بعض دروسده موجود اولملرینی ده اولکی درسه مداومت شرطنه تعلیق و وابسته قیلمق ایچون بدرجهیه قدر لازم کلان وسائطله مجهز بولنیورلر . یعنی تعبیر دیگرله اونلر ، اولکی درس‌لرده حاضر بولونماش اولان شاگردانی صکره کی درس‌لره دوام ایتمکدن منع ایلك اقتدارین حائزدرلر . بوقاعده باخصوص تطبیقات درس‌لرنده تطبیق اولونمقده درکه بودرس‌لره آلمان دارالفنونلرنده کوندن کونه دها بویوک براهمیت ویرلمکده در . بودرس‌لره مداومت ایچون مساعده ، برچوق احوالده انجق زمین تدقیق و تتبع اولان مسائل و موضوعاته عائد ده اولکی درس‌لرده انبات وجود ایتش اولان شاگردلره ویریلیر . دیگر بعض احوالده بوکی درس‌لر معلمین قونفرانسک وقوع بولدینی عینی سومه سترده اعطا اولنور . بوسایده شاگردان ، دروسده تقریر و ایضاح ایدیلن مسائلک تطبیقات عملیه سنی اوکره نیلر . بوندن باشقه عین شعبات علوم ایچون کرک مبتدیله کرک بولنلر دن دها مرقی شاگردانه مخصوص اولمق اوزره پرائیق درس‌لر ترتیب

اولور . تعلیم درسلی ، حقوق عملیه مسائلی حقنده مناقشات شفاهیہ شکلنده اولور . بعضاً شاگردانه بوجی مسائل وضع اولور . اولور بوسایده بومستهلری خانه لرنده تحریراً توسیع وتشریح ایدمبیلرلر . مسائل علمیہ دخی مناقشه ایدمبیلرلر . وبعض دروس انساننده شاگردان طرفندن علمی قونفرانسلروریلر . معلمین ده بوقونفرانسلی تنقید ایدرلر . آلمان دارالفنون حیات تحصیلنده تعطیل زمانلری غایت بویوک برامیت علمیہی حازدر . بوتعطیللر بالنسبه اوزون اولور . الک اوزونلری یازوقیش سومه سترلری آراسنده براقیلان فاصله در . یاز سومه سترینک ختامندن صوکره کلن تعطیل زمانی رسماً ایکی آی سوزر (۱۵ اغستوس — ۱۵ تشرین اول) درسارک کشادیه ختامنه عائد نظامنامه نك موقع تطبیفه قونمسی نتیجه سی اوله رق بالاده کی فاصله تقریباً اون بر هفته یه قدر تمدید اولور . قیش سومه سترینک ختامنی تعقیب ایدن و پاسقالیه تعطیلی دیه یاد اولنان تعطیل رسماً بر آی سوزر مع مافیہ بوتعطیل ، پاسقالیه یورطیسنه مصادف اولور سه مدت دوامی آلتی هفته در . (اکثریا مارتک اون بشندن نیسانک اون بشنه قدر) حقیقتده بوتعطیل دائماً الی هفته در . بوتعطیل (پانت قوت) یورطیسنه مخصوص بر هفته اتی استراحت زمانی و برده بوندن براز ده فاصله سوزن بر نوئل تعطیلنی علاوه ایتمک لازمدر . (اکثریا تقریباً ایکی هفته) بوتعطیللردن یکانه مقصد معلمین و متعلمین بر استراحت زمانی و بر مک دکلدر . بوتعطیللر بر دوره استراحت اولمقدن زیاده معلمین و متعلمین ایچون بر مشغولیت مستقله زمانی تشکیل ایتمکده در . بوسایده معلمین ، دقتسز لکدن ناشی سومه سترلر انساننده اجرا ایدم دکلری تبعات و تدقیقات علمیہ ده بولنه بیلیمکده در . شاگردانه کلنجه ، اولور غایت جدی صورتده چالشمفه وسومه ستر انساننده کی درسلی و تقریرلرده کندیلرینه ایضاح ایدیلان بالجله مواد و مسائل علمیہی مستقلاً تدقیق وتبعه مجبوردرلر . زیرا سومه سترلر ظرفنده اولور بویله بر مشغولیتده بولونمق ایچون وقت بوله مه یورلر .

آلمانه اصولنک منافع و محاذیری [*]

آلمان دارالفنونلرنده علم حقوقی تدریس و تعلیمدن و امتحانلر احراسندن قصد اونونان غایه الغایه شو صورتله خلاصه اولونه بیلیر :

قانونی ، استقلال رأی ایله و بر صورت وجدانکارانه ده تطبیقه مقتدر حقوقشناسانی

(*) بومنافع و محاذیردن مقصد بالطبع شمدی به ندر الله ایدیلن تجاریه کوره المانیاده ، یعنی

یتشدرمک . کرک آلمان اصولی تعلیمی، کرک امتحانلر هب بومقصدی استهداف ایدیور .
آلمان اصولنک بعض مهالك ومحاذیری تولید ایتدیکی غیر قابل انکاردر . لکن بومقامقابل
برجوق شایان تقدیر منافعی دخی تأمین ایدر .

آلمان اصولنک تضمن ایتدیکی محاذیر میاننده ازجمله آتیده کیلر ذکره شایاندر :
۱ — دارالفنون تحصیل ائساننده شاگردانک حائز اولدقلری واسع سربستی بعض مهالکی
بادی اولمقدن خالی دکلدر . شاگردان یالکز برسومه سترائساننده فضله مقدارده درسلمه
دوام ودرسلمی پکده عملی وپراتیق اولمیان بر صورتده انتخاب ایتمکله و دیگر بعض سومه سترلرده
ایسه لازم اولدیغی قدر درسلمده حاضر بولونماقله احتمالکه برجوق فرصت غائب ویهوده
یره غیرت صرف ایدرلر مع مافیه شاگردانه تحصیلک طرزجریانخی تنظیم ایدن نظامنامه یه
توفیق حرکت ایتلمی توصیه اولونماقله بالاده کی محاذیرک بر بوبوک قسمی برطرف ایدیله بیلیر .
شاگردانک اکثریسی بونظامنامه یه اتباع مجبوریتنده اولدقلری حالده کندی منفعتلری
مدرك اولدقلری ایچون اوزون بر تجربه نک محصولی اولان بر نظامنامه یه تمسک ایدیورلر .
بعض درسلمک اوچنخی ویا التخی سومه سترده تعقیب اولنمی مساویدر .

بالاده کی محاذیردن دهامهم دیگر برمحذوردها وارددر . بویله امتحانلر کچن برنجی
وایکینجی سترلرده شاگردانک پک آزالشلمری وانجق درجه اولی امتحانلرینه تقدم ایدن
صوک سنه تحصیل ائساننده جدأ ابراز غیرت وفعالیت ایتمکه باشلاملریدر .

آلمان اصولنک نتایج مضره سی اولهرق شاگردان ، بعضاً سفاهته دالارلر یعنی
اونلر هیچ چالیشماز و امتحان ویره جک قدر عزم وفعالیتدن نهایت محروم قالیرلر . برکت
وبرسین که بویکی احوال پک نادردر . هیچ بر اصول ونظامله رفع ایدیله میان بوتملکه،
شاگردانی ممکن مرتبه جوق پراتیق درسلمه موفقیتله اشتراک مجبوریتنده طوتمقله بعضاً
برطرف ایدیله بیلیر .

شاگردانک تنبلیکلرندن دولایی عادی بر امتحان ایله صوک امتحانده موفق اوله مامسی
آراسنده هیچ بر فرق یوقدر .

المان محیطنک دائره سنده موجود اجتماعی واقتصادی شرائط نظراعتباره الهرق المان اصولندن
استخراج ایدلش اولان نتایجدر . دیمک اولیور که حیات اجتماعی واقتصادیه سی بشقه ماهیتده بولان
دیگر مالکده المان اصولنک تأثیراتی هر حالده بعض جهاتده بشقه درلواوله بیله جکی کبی مهالك
سائرده شمدی یه قدر المانیاده مشاهده ایدلماش برطاقم محاذیر ویا عسنتکده ظهور ایتیمی احتمالی
وجوددر .

ایلك ایکی سومه ستره عاند بوتون پراتینی درسلرده کوستریلن تکمیل درسلری اوکرنملری ممکن دکلدرد، چونکه بودرسلره صورت منتظمه ده دوام لازمدر و چونکه بودرسلردن برقچه دوامله برابر برنجی بویوک امتحان ایچون صورت اعتنا کارانه ده حاضر لایق قابل دکلدرد.

۲ — برنجی درجه اولی امتحاننده تعقیب اولونان اصولک باشلیجه محذوری شوندن عبارتدرکه بوتون مواد وموضوعاته عاند امتحان شفاهی اثناسنده شا کرددن برقچ ساعت ظرفنده قوتلی برحافظه کوسترلسی طالب وانتظار اولنور. بونک نتیجه سی اوله رق قوه حافظه لری ایی اولان ولکن علم حقوقی لایقیله ادراک واحاطه ایدمه یان شا کردان، اساساً دهها مستعد اولمقله برابر حافظه لرینک نقصان اولمسندن دولای قانونک فلان ویا فلان ماده سی تخطر ایدمه یان شا کردانه تفوق ایتمکده در. مع مافیله میملر طرفندن برصورت ماهرانه ده بعض سؤاللر ایرادی ودیکر طرفدن ایسه تحریری امتحانلر صره سنده شا کردانک استعدادینه مطابق موضوعلرک انتخابی صورتیله بالاده کی محذور بدرجه یه قدر دفع اولونه بیلیر.

شفاهی امتحان اثناسنده بوتون مسائل وموضوعات حقوقیه یی حافظه ده بولوندر مق لزوم ومجبوری شا کردانی حیات عملیه ایچون لایقیله حاضر لامغه مدار اولور. زیرا ساحه عملیاتده حل اولونمق اقتضا ایدن مسائل بعضاً بربرلردن یک فرقلی ومختلف مواد وموضوعاته تماس ایتمکده در. شا کردک حافظه سینه مراجعت اصولیله شا کرد، مواد مختلفه حقوقیه آراسنده کی مناسبات مضموره حقنده بر فکر حاصل ایتمک آلیشیر. هر نه حال ایسه نامزدلرک اکثریسی حافظه لرینه عارض اولان کرکیلکدن اکثریا بیتاب دوشرلر.

ب (بالاده کی محاذیره مقابل بر جوق منافع ومحاسن دخی وارددر. آلمان اصولی شا کردانی باشلیجه قوانینک بالجمله مواد مهمه سیله انسیت والفت پیدا ایتمک سوق وتشویق ایدیوره، لکن الک زیاده اهمیت ویریلن نقاط، شا کردانک روح حقوق وقوانینه نفوذ ایتملری، اصول حقوقیه یه تمامیله حاکم کسلملری وقوانینی لایقیله درک وتفسیر وتطبیقه مستعد ومقتدر اولملری خصوصلریدر. بوصوک استعداد واقنداری اکتساب ایچون هر قانونی ایجاب ایتمدیرمش اولان افکار ومطالعه وقوف لازمدر.

زیرا الک مهم قوانینک متی بیله آرا صیره تبدیل اولنور. لکن اصول حقوقیه

حاکمانه بروقوف، کنج حقوقشانه هنوز معلومی اولیان بر قانونده در حال آرادیخی شیلری بولق و اوقانونده اکلامق اقتدارینی تأمین ایدر .

قوانینک مواد مخصوصه سی و مواد قانونیه تک تطبیقات عملیه سی حقنده کی معلومات، برنجی درجه اولی امتحانی تعقیب ایدن خدمت احضاریه ائناسنده پک زیاده توسیع ایدیلیر . اصول حقوقیه و قوف تام، باخصوص دارالفنونده، یعنی برنجی درجه اولی امتحانک وقوعندن اولاً کتساب اولور . دارالفنونده بوتون مواد حقوقیه یی احاطه ایدن بر نفوذ نظری الیه ایتک لازمدر . زیرا بالاخره ساحه تطبیقاند و حتی خدمت احضاریه ائناسنده - متدباً مسائل منفرده ایله اوغراشمق مجبوریتدن ناشی - بونفوذ نظر قولایجه غائب ایدیلیر .

آلمان اصول تعلیمک تفرعاتنده آئیده کی نقاطی نظر دفته عرض ایتک لازمدر . عملی تعلیملر، کنج حقوقشناسی فن تفسیر و اصول تطبیقات قوانینک لدنیاسنه واقف قیلمق ایچون پک اینی واسطه لردر . کنیدیسی، متن قوانینه استناداً بعض مسائل بسیطه و یا مغلقه یی حله - و ق و مجبور ایدلمکله قوانین حقنده مستقلاً دوشونمکه و درسار ائناسنده اوکرندکلرینی حاضر لامقه آلیشدیریلیر .

عینی نتیجه ایلمک امتحان ائناسنده نظارت آئنده قلمه آانه حق اولان قوموزیسیونلر ایله دهخی اختصار ایدیلیر .

۲ - پراتیق تعلیملر شا کردک تربیه و تعلیم همومیسسی ایچون سنه باشی امتحانلرندن ده نافع و مفید کورلمکده در . بو امتحانلرک جمله تأثیرندن اولق اوزره شا کرد بوتون تحصیل مدتیجه (بالاخره عملی حیاته نه کی شیلر بیلممه لازمدر؟) سؤالی کنیدی کندینه صوره جق برده، هپ (عجبا، متحانده بکاهانکی مسئله یی صوراجقلردر؟) دوشونجه - سیله مشغول اولور . پراتیق تعلیملر، شا کردانک مواد حقوقیه حقنده دهادرین بروقوف حاصل ایتلری کی بر نتیجه ویرر . حالبوکه سنه باشی امتحانی شا کردانک فعالیت تبعیه سی توقفه اوغرا دیر . زیرا تحصیلیه دوام و یا عدم دوام هپ بو امتحانک شو و یا بوسورتله نتیجه پذیر اولسنه وابسته در . اکثریا شفاهاً وقوعبولان سنه باشی امتحانلری ائناسنده شا کردانک قوه ادراکیه سنه فضله اهمیت ویرمک پک کوچدر . بو امتحانلرده باخصوص شا کردانک قوه حافظه سی باشیجه رول اوینار . حالبوکه خدمات رسمیه و حیات

همایه ایچون قوه ادراکیه، قوه حافظه دن قات قات مهمدر. قوه ادراکیه به مالکیت، قوه حافظه به مالکیتدن قات قات بویوکدر. تجربه ثابتدرکه شاگردان، سنه باشی امتحاننده کندیلرینه صورلمش اولان بر ماده ایله فضله اشتغالی اهاال ایدرلر. بوکا نوعما مجبوردرلر. چونکه آرادن آز بر مدت کچر کچمز دیکر مواد حقنده یاپیلن بکی بر امتحان قارشوسنده بونورلر. شاگردانک مدت تحصیلیه سی نهایتده بالجله مواد حقویه حقنده مالک اولسی لازم کلن فکر ونظر احاطوی به بوصورتله خلل کنیریلر. بر جوق شاگردان مختلف شعبات حقوق آراسنده کی علایق ومناسباتی درک وحس ایتک اقتدارینی غائب ایدرلر. معلمین شو پراتیق درسلاثرانسانده شاگردانک استعداد وقابلیتلرینی دهایی طانیفه فرصت بولورلر. چونکه بودرسلر بوتون برسومه ستری دولدر مقدهدر. حالبوکه پک قیصه بر مدت سورن امتحانلر انسانده که کرک معلمک کرک معلمک استعداد بدنیه وروحیه سی بوامتحانک قیجیه سی اوزرینه بعضاً مهم بر تاثیر اجرا ایتکدهدر - معلمک شاگردان حقنده دوعری بر فکر حاصل ایتلری پک کوچدر.

۳ - باخصوص پک اوزونجه سورن تعطیللردرکه آلمان شاگردانه کرک قوتفرانسله، کرک تعلیم درسلری انسانده کندیلرینه وضع اولنان مسئلهلری استکنه ایتک وبالذات کندیلرینی علاقه دار ایدن مسائل منفردیه تی تعمیق ایتک فرصتی ویرمکدهدر. واقعا ایلک سومه سترلردن صوکره شاگردانک کرک قبلک، کرک احتیاج استراحت سوقیه یوقاریده کی فرصتدن بعضاً آز استفاده ایتلری واقع اولیورسه دهده صوکره کی سومه سترلر انسانده شاگردانک، تعطیل زماننک قیمتی تقدیر ایتکده و تدقیقات وتبعاده بولونمق اوزره وقتدن استفاده ایلکده اولدقلری کوریلور.

۴ - آلمانیاده منقدین اجنبیه نک الکی زیاده نظر دقتی جلب ایدن شی، تحصیلنی تقسیم خصوصنده آلمان شاگردانک پک عظیم سربستی بی حائر بولمیلریدر. سنه باشی امتحانلرینک رفع والفاسیله مناسبندار اولان بو سربستی دروس معینهده شاگردانک بر قاج صنفه انقساونه قطعاً مانع اولمقدهدر. حالبوکه بن بو جهتی آلمان اصولنک الکی بویوک محسناتندن بری اولمق اوزره تلقی ایدیورم. کرچه آلمان شاگردانه بخش اولونان بو عظیم سربستی، اونلر ایچون بعض مرتبه محذوری داعی اولمقدن خالی دکدر. مع مافیه بحق دنیلدیکی وجهله تام وکامل آدملری یقیشدیرمک ایچون کنجلری بر آز

تسلیم به الفا ایتمک لازمدر . بو بویوک سربستی، شاگردانی بویوک بر مسئولیت شخصیینی درعهده ایتمک مجبوریتند براقیور . بو مسئولیتک ایسه تأثیر تربیویسی پک بویوکدر . شهسزدرکه شاگردانک مسئولیت شخصییه سی و اختیار و رضاسیله وقوعبولان و حس و فکر مسئولیتله ملهم اولان بر سیمی و غیرتی کرک حکومت و کرک ملت ایچون خارجی بر مجبوریتک تحت تضییقند صرف ایدیلن بر سیمی و غیرتدن قات قات بویوک قیمت و اهمیتی حازدر . بویله ایکن آلمان شاگردانک حریت و سربستیسی مطلق دکلدر . امتحان ویره بیلیمک ایچون تعقیب و دوام مجبوریتند اولدقلری درسار مقتدر . شاگردک بر درجهیه قدر رأی و تنسیینه براقیلان شیرلر ایسه آنجیق درسارک طرز تصنیفی ایله مختلف سومه سترلره تفریقی و برده سومه سترلرک تعیین عددیدر .

آلمان شاگردانک استقلال حریتی بالاده ذکر اولنان محاسن و فوائددن باشقه فوائدی جامعدر . اولاه بوسربستی، شاگردانده حس شرف و حیثیتی تزیید و تقویه ایدر . ثانیاً اونلره ده زیاذه مراقابتدکلری مواد ایله ده صیقی صورتده مشغول اولوق امکاتی حاضرلار . ثالثاً شاگردانه کندی قابلیت و استعدادلرینه کوره تحصیلک مدت دوامنی و سرعت جریانی تعیین ایتلرینه میدان ویرر . تجربه بزه شونی کوستریورکه بعضی شاگردلره ارقداشلی آراسنده ده سربیع بر قابلیت ادراکیه ودها متین بر قوه حافظه ایله تمایز ایدیور . طبعیدرکه بو اوصافه مالک اولانلر برنجی سومه سترلر ائناسنده دها فضله درسارلی اکمال ایده بیلیرلر ، وایکنجی سومه سترک ختامنده امتحانلرینی سهولته ویره بیلیرلر . دها بطیثانه چالیشانلر، ایلک سومه سترلرده دها آز درسله اکتفا ایده بیلیرلر . سنه باشی امتحاننده موفق اولماق کبی موجب عار و حجاب بر حاله اوغرامامق ایچون اونلر عینی درسه متعدد دفعه ل دوام ایده بیلیرلر . آلتی سومه ستردن صوکره هنوز امتحان ویره جک اقتداره مالک اولدقلرینی حس ایدنلرایسه مدت تحصیللرینی بر ویا ایکی سومه ستر مدتی ایله تمدید ایتمک حقنه مالکدرلر . بو حال و کیفیت کندیلر ایچون موجب عار عد اولونه ماز .

آلمان اصولک دیگر بر محسنه مخصوصه سی شودرکه صنفلر بر برلرندن تمامیه آیرلش اولدیفی ایچون امتحانه دخول ایده بیلیمک اوزره اولجه تعقیب ایدلش اولمسی شرط اولیان درسارلر دوام ایتمک خصوصنده شاگردان بویوک مشکلاته اوغرامقده در .

حالبوکه حقوق شناسک ساحه تطبیقات و عملیاتده جغرافیا ، علم السنه ، فلکیات ، تاریخ الخ کبی قنون حقننده معلومات صاحبی اولمسی پک زیاده شایان آرزودر . فطرة مستعد اولان شاگردان ، شو ویا بو فنه عائد معلومات ایدنمکه اکثریا پک آرزو کشددرلر . آلمان اصولی بوکبی تمایلاتی نظر اعتباره آلمقده وشا گردانه صرف حقوقی بر ماهیتی حائر اولیان مواد ومسائل ایله اوغراشمق امکافی ویرمکده در . علمی تعلیملر ایله صوک بویوک امتحان ، شا گردانک حقوق تحصیلرینه خلل کتیره بیله جک درجه ده تبعات سائره ایله مشغول اولمیرینه مانعدر .

۵ — کړک ایلک درجه اولی امتحانی تعقیب ایدن خدمت احضاریه نك ، کړک بالاخره ویرلمسی مقتضی اولان ایکنجی درجه اولی امتحانک تربیه علمییه تأمین ایتمک خصوصنده پک بویوک اهمیت و قیمتی حائر اولدقلرینی تسلیم و تصدیق ایتمک لازمدر . مع مافیه بو اهمیتی اعظام ایتمکدن اجتناب لازمدر . زیرا ایلک درجه اولی امتحانندن صوکره مسئولیت شخصییه مستلزم بر مأموریتی احراز ایدن بعض کنج حقوق شناسانک وظائف مودوعه لرینی فوق العاده ممنونیتبخش بر صورتده ایفا ایتمکده اولدقلری تجارب عیدیه ایله ثابتدر . بالفرض بادغران دوقه لغنده اولدقجه مستقل مأموریتلره بر زمانلر انجق ایلک درجه اولی امتحانی ویرمش اولان کنج حقوق شناسان هان دائما تعیین اولنوردی . و بو آدملرک فعالیتندن پک کوزل ثمره لر اقتطاف ایدیلیردی .

دوقتورا امتحانی حقننده شورا جقده شونی ذکر ایدرزکه هرشیدن اول شخصی وفی بر تهز ایله نامزدلرک درجه اهلیت واستعداد لرینی تحقیق ایتمک لازمدر . بو ایسه آنجق نامزدک بالذات کندی خانه سنده جمعیت خاطر ایله و آثار فیهیه مراجعت صورتیه قلمه آلدینی تهزک تدقیقندن صوکره ممکن اولمقده در . بو تهزک طبع و نشری سایه سنده افکار عمومییه ، نامزدک درجه اقتدار حقننده بر فکر حاصل ایده بیلمکده در .

آلمان دارالفنون تحصیلی ایله امتحان تشکیلاتی حقننده کی آلمان اصوللرینک قیمتی باخصوص شو حرب انساننده ثابت اولمشدر . زیرا حریدن متحدث اولان بالجمله مسائل مشکله مغلقه نك آلمان مأمورینی طرفندن دیکرلره نمونه امثال اوله بیله جک بر صورتده حل و فصلنه موفقیت الویرمش اولدینی کوریلیر . حتی دشمنلر منر بیله آلمانیا نك قوت

وقدرت تشكیلاتكاريسی سنایشلاره تصدیقه مضطر قالمشلردر ، بو تشكیلاتی وجوده
 كتیرن باشلیجه عاملاردن بری آلمان اكابر مأمورینی هیئتیه در ، بو مأمورلرك كافه‌سی
 ایسه آلمان دارالفنونلرنده تحصیل كورمشلردر .

مترجمی

تجارت بریه و بحریه مدرساری
 معاونی

حقوق عامه

مدرسی

دورقنور والزه شؤبه‌وره

تركیبا مظلوم

